

impossibile, et contra naturam rerum, ut scilicet virtus vitio inquinata, sit, aut a lucidissimo illo Dei oculo judicetur habeaturque virtus. Premiauit ergo Deus non mendacium, sed alios pietatis, misericordiae timorisque Dei actus, ut expresse ait Moses vers. 20, qui a priore actu mendacii plane distincti erant; multos enim hae obstetrices in hac infantium tutela clicuere actus, alios bonos, alios malos.

Instabis: Quid ergo faciendum erat his obstetricibus; quid Pharaoni urgenti respondendum? Respondeo: Aut a facie ejus fugiendum erat et latendum; aut artificio aliquo tegenda erat veritas, non neganda; aut certe quod ait S. Augustinus, cap. xvii, lib. *Contra Mend.*, «liberrime recusandum, et moriendum erat potius pro innocentissima veritate.»

Vers. 21. EDIFICAVIT EIS DOMOS. — Ita Hebraea, Chaldaea et Latina, quin et Septuaginta: habent enim *מביתם* *מביתם* (sic enim legendum videtur, non *מביתם* *מביתם*); *מביתם* ergo olim legebatur *מביתם*, id est fecerunt, quomodo legit Augustinus vertens, *fecerunt sibi ipsis domos*, munitas scilicet, in quibus ab incurso Aegyptiorum, quorum mandata contempserant, se tuerentur: hoc enim eas fecisse non est probabile. «Edificavit» ergo, non Pharao, sed Deus quem timerunt, «eis,» non Hebraeis, ut vulg Calvianus, sed obstetricibus, quae timerunt Deum: hoc enim exigit series orationis, quae in obstetricum mercede describenda occupatur, ac Septuaginta qui vertunt *מביתם*, et Chaldaeus, qui vertit *לבהן* *להן*, feminine; licet enim in Hebraeo sit pronomen masculinum *לבהן* *להן*, tamen illud per enallagen Hebraeis familiare, ponitur pro feminino *לבהן* *להן*, uti fit et cap. xv, 20, et alibi: sic vice versa, femininum ponitur pro masculino, *Ruth* I, vers. 13, et II *Reg.* iv, 6. Utilitur autem Moses hic masculino pro feminino, quia feminae et familiae a viris nomen accipiunt, inquit Vatablus.

Quam hae domus? Hebraei, ut dixi vers. 15, putant Mariam nupsisse Caleb, et accepisse domum regiam, Jochabed vero accepisse domum sacerdotalem, sed insulse. Josephus enim ait Mariam nupsisse non Caleb, sed Hur, et domus regia fuit in familia Davidis, quae non ex Caleb, sed aliunde descendit. *Secundo*, R. Kimchi: «Fecit eis domos,» id est, inquit, abscondit eas a Pharaone, et in tuto collocavit. *Tertio*, Lyranus: «Fecit eis domos,» id est junxit eas matrimonio primariis Hebraeis, et inter eos, illustres dedit eis patres et familias. Verum hoc gratis et conjectando dicitur: non enim ait Scriptura Deum fecisse eis domos Hebraeorum, vel inter Hebraeos, sed absolute domos. *Quarto*, Rupertus et S. Hieronymus in *lxxv Isaiae*, per domos mansiones in caelis accipiunt, de quibus ait Christus, *Joan.* cap. xiv: «In domo Patris mei mansiones multae sunt.» Consent ergo hi Patres, has obstetrices meruisse premium vitae aeternae: idem senti-

D. Thomas, II II, *Quaest.* cx, art. ult. Habuerunt enim verum actum timoris Dei, quo Deum sunt reveritae, et pro Deo se mortis periculo exposuerunt; hic autem actus timoris est supernaturalis et meritorius vitae aeternae. Hoc verum est, sed huic loco impertinens; nec enim «aedificare domos» significat in Scriptura dare premium vitae aeternae. *Quinto*, probabilius S. Augustinus et Theodoretus sic explicant: «Edificavit eis domos,» id est, auxit eis rem familiarem, dedit eis opes et rerum temporalium abundantiam; sic enim Jacob ait ad Laban, *Genes.* xxx: «Justum est ut aliquando provideam domui meae,» pro quo Hebraea habent: *Quando faciam et ego mihi domum?*

Sexto et optime: «Edificavit eis domos,» id est, dedit eis prolem et progeniem numerosam, divitem, honoratam, insignem, longevam et diuturnam. Haec enim quinque maxime nobilitant proles; hebraice enim filius vocatur *בן* *בן*, a radice *בנה* *בנה*, id est aedificavit, quod filius sit quasi fabrica et domus patris, quodque filii per se, perque suos filios quos generant, patris familiam, instar domus aedificant. Vide dicta vers. 4. Nota: Congrua fuit haec merces, ut quae proles Hebraeorum servaverant, proliibus bearentur (1).

Rursum meruerunt hae obstetrices etiam vitam aeternam, uti dixi; sed in veteri Testamento Deus illud celeste premium non solet exprimere, quia Judaeis rudibus et carnalibus fere tantum proponit praemia temporalia, eaque quinque. *Primo*, longitudinalinem vitae; *secundo*, amplam et claram posteritatem; *tertio*, opulentiam; *quarto*, potentiam et dominium; *quinto*, victoriam inimicorum. Expressa enim regni caelestis et vitae aeternae promissio, propria est novi Testamenti et Evangelii Christi, ait S. Hieronymus *ad Dardanum*.

22. PRAECEPTUM ERGO OMNI POPULO. — Praeceptum hoc infanticidii tantum latum est in masculos Hebraeorum, ut patet ex praecedentibus; unde mirum est Cajetani illud ad Aegyptios quoque extendere. Tertius hic tyrannidis, publice jam in Hebraeos grassantis, fuit gradus. Verisimile est hoc edictum tam inhumanum exhorruisse Aegyptios, ac proinde vix usu receptum, ac paulo post neglectum abolitumque fuisse. Torniellus censet illud revocatum fuisse statim post Amenophis, qui illud statuerat, mortem; quam cum Eusebio consignat anno Mosis quarto.

Tropologie Origenes, *hom.* 4, et ex eo S. Augustinus, *serm.* 84 *De Temp.*: «Anima, inquit, nostra aut a legitimo rege regitur, aut a tyranno vastatur.» Regem designat Pharaon, qui Josephum et Israelitas fovit; tyrannum designat Pharaon, qui non noverat Joseph, quicquid Hebraeos in operibus lateris et lutu afflixit. «Si enim Deo adjuvante, pia

(1) Mendelssohn versum 21 cum seq. junxit, hoc sensu: Quam igitur pietate obstetricum fieret, ut Deus illis, Hebraeis, familias auferat, ideo jusit Pharaon, etc.

vivimus; si de charitate, de misericordia, de patientia, penitentia, etc., cogitamus: licet adhuc in Aegypto, id est in carne, simus, tamen a Christo rege gubernamur; et ipse regit nos in luto et latere, sed non consumit, nec nos curis terrenis, vel nimis sollicitudinibus alterit et affligit. Si vero anima nostra ceperit declinare a Deo, inhonesta sectari, tunc subdit colla tyranno (demoni), qui alloquitur gentem suam, id est corporis voluptates, ut mares Hebraeorum occidant, feminas reservent. Vult enim diabolus in nobis sensum rationabilem, ac Jeum videntem extinguere, et quae ad concupiscentiam carnis pertinent, reservari. Hic ergo Pharaon cogit te ad opera sua, non justitiae, sed iniquitati servire: ipse faciet laterem sibi operari et lutum; ipse te sub prepositis magistris et compulsoribus, ad opera terrena et luxuriosa a plagis et verberibus aget; ipse est qui te facit discurre per saeculum, maris ac terrae

elementis pro cupiditate turbari; ipse est rex Aegypti, qui te forum pulsare litibus facit, et pro exiguo terra cepite propinquis jurgis faligare; ipse est qui tibi persuadet luxuria castitati insidari, decipere innocentiam; in domum tuam que sunt foeda, foris que sunt crudelia, intra conscientiam que sunt flagitiosa, committere. Si ergo tales videris esse actus tuos, scito te regi Aegypti militare, id est, non Christi, sed diaboli spiritu agi.

Allegorice de SS. Innocentibus ab Herode caesare mortua, seges multa surrexit Ecclesiae, habet Prosper, *De Promissione et praedice. Dei*, part. I, cap. xxxii.

Denique anagogice Rupertus: Crucis, ait, vexillo et tribulatione, fortiores simus demone addimur angelis, egredimur de terra, quia caelum nos expectat.

CAPUT SECUNDUM.

SYNOPSIS CAPITIS.

Moses nascitur, exponitur, assumitur et adoptatur a filia Pharaonis. Secundo, vers. 11, occidit Aegyptium, fugitque in Madian, ubi ducit Sopheram, et ea ea gignit Gersam et Eliezer.

1. Egressus est post hanc vir de domo Levi, et accepit uxorem stirpis suae. 2. Quae concepit, et peperit filium; et videns eum elegantem, abscondit tribus mensibus. 3. Cumque jam celare non posset, sumpsit fiscellam scirpeam, et inivit eam bitumine ac pice: posuitque totus infantulum, et exposuit eum in careto ripae fluminis, 4. stante procul sorore ejus, et considerante eventum rei. 5. Ecce autem descendebat filia Pharaonis ut lavaretur in flumine, et puellae ejus gradiebantur per crepidinem alvei. Quae cum vidisset fiscellam in papyrone, misit unam e famulabus suis; et allatam 6. aperiens, cernensque in ea parvulum vagientem, miserta ejus, ait: De infantibus Hebraeorum est hic. 7. Cui soror pueri: Vis, inquit, ut vadam, et vocem tibi mulierem Hebraeam, quae nutrire possit infantulum? 8. Respondit: Vade. Perrexit puella, et vocavit matrem suam. 9. Ad quam locuta filia Pharaonis: Accipe, ait, puerum istum, et nutri mihi; ego dabo tibi mercedem tuam. Suscepit mulier, et nutriti puerum: adultumque tradidit filiae Pharaonis. 10. Quem illa adoptavit in locum filii, vocavitque nomen ejus Moyses, dicens: Quia de aqua tuli eum. 11. In diebus illis postquam creverat Moyses, egressus est ad fratres suos: viditque afflictionem eorum, et virum Aegyptium percutientem quemdam de Hebraeis fratribus suis. 12. Cumque circumspexisset huc atque illic, et nullum adesse vidisset, percussus Aegyptium abscondit sabulo. 13. Et egressus die altero conspexit duos Hebraeos rixantes, dixitque ei qui faciebat injuriam: Quare percutis proximum tuum? 14. Qui respondit: Quis te constituit principem et judicem super nos? num occidere me tu vis, sicut heri occidisti Aegyptium? Timuit Moyses, et ait: Quomodo palam factum est verbum istud? 15. Auditivique Pharaon sermonem hunc, et quaerebat occidere Moysen, qui fugiens de conspectu ejus, moratus est in terra Madian, et sedit juxta puteum. 16. Erant autem sacerdoti Madian septem filiae, quae venerunt ad hauriendam aquam; et impletis canalibus adquire cupiebant greges patris sui. 17. Supervenerunt pastores, et ejecerunt eas: surrexitque Moyses, et

cipit, vestit, pascit, et apud impatientiam irati fratris excusat. »

Secundus patientiæ fructus, est dilectio, sive caritas.

« Dilectio summum fidei Sacramentum, Christiani nominis thesaurus, quam Apostolus totis viribus Spiritus Sanctus commendat, ejus nisi patientiæ disciplinis eruditur? »

Primo, « dilectio, ait, magnanimis est: ita patientiam sumit. »

Secundo, « benefica est: malum patientia non facit. »

Tertio, « non emulatur: id quidem patientiæ proprium est. »

Quarto, « nec superbum sapit: modestiam de patientia trahit. »

Quinto, « non inflatur, non protervit: et hoc ad patientiam pertinet. »

Sexto, « non irritatur, omnia sustinet, omnia tolerat: utique, quia patiens est. »

Septimo, « merito ergo nunquam excidet; exhauriuntur lingue, scientiæ, prophetiæ, permanent fides, spes, dilectio: fides, quam Christi patientia induxit; spes, quam hominis patientia expectat; dilectio, quam Deo magistro patientia comitatur. »

Tertius, est, quod patientia suggerat pietatis exercitia, cap. XIII.

« Quæ est negotiatio patientiæ in corpore? »

Primo, « afflictatio carnis, hostia Domino placatoria. »

Secundo, « jejunia cum cinere et sacco conjuncta. »

Tertio, « preces et deprecationes. »

Quarto, « continentia carnis. »

Quinto, « constantia sub cruce. »

Exempla sunt. « Secatur Isaias, patientiæ viribus armatus, et de Domino non tacet; lapidatur Stephanus, et veniam hostibus suis postulat: Job omnem patientiæ speciem, adversus omnem diaboli vim expungit, quem non abacti greges, non filii uno ruinæ impetu adempti, non corporis cruciatus a patientia exclusit: quale in illo viro feretrum Deus de diabolo extraxit? quale vexillum gloriæ, cum ille homo ad omnem acerbum nun-

tium, nihil ex ore promeret, nisi Deo gratias? quid? ridebat Deus; quid? dissecabatur Satan.

Hinc omnia duplicia recuperavit. »

Quartus est, quod patientia cæteras virtutes parit, cap. XIV.

Primo, « humilitatem instruit. »

Secundo, « penitentiam expectat. »

Tertio, « exomologesin assignat. »

Quarto, « carnem regit. »

Quinto, « spiritum servat. »

Sexto, « linguam frenat. »

Septimo, « manum continet. »

Octavo, « tentationes conculcat. »

Nono, « scandala pellit. »

Decimo, « martyrium consummat. »

Undecimo, « pauperem consolatur, divitem temperat. »

Duodecimo, « servum domino, dominum Deo commendat. »

Decimo tertio, « feminam exornat, virum approbat; amatur in puero, laudatur in juvene, suscipitur in senes; in omni sexu, in omni ætate formosa est. »

Octavo, patientiæ effigiem ita ad vivum depingit, cap. XV.

Primo: « Vultus illi tranquillus et placidus. »

Secundo, « frons pura, nulla meroris aut iræ rugositate contracta. »

Tertio, « supercilia in lætum modum remissa. »

Quarto, « oculi humilitate, non infelicitate dejecti. »

Quinto, « os taciturnitatis rubore signatum. »

Sexto, « color qualis securis et innoxius. »

Septimo, « motus frequens capitis in diabolum, et minax risus. »

Octavo, « amictus circum pectora candidus, et corpori impressus, ut qui nec inflatur, nec inquietatur. »

Nono, sedet in throno spiritus ejus mitissimi, qui non turbine glomeratur, non nubilo livet, sed est teneræ serenitatis, apertus et simplex, quem tertio vidit Elias; nam ubi Deus, ibi et alumna ejus, patientia scilicet: cum ergo spiritus Dei descendit, individua patientia comitatur eum. »

ergo Moyses: Vadam, et video visionem hanc magnam, quare non comburatur rubus. 4. Cernens autem Dominus quod pergeret ad videndum, vocavit eum de medio rubi, et ait: Moyses, Moyses. Qui respondit: Adsum. 5. At ille: Ne appropies, inquit, huc; solve calcamentum de pedibus tuis: locus enim, in quo stas, terra sancta est. 6. Et ait: Ego sum Deus patris tui, Deus Abraham, Deus Isaac, et Deus Jacob. Abscondit Moyses faciem suam: non enim audebat aspicere contra Deum. 7. Cui ait Dominus: Vidi afflictionem populi mei in Ægypto, et clamorem ejus audivi propter duritiam eorum qui præsunt operibus: 8. et sciens dolorem ejus, descendi ut liberem eum de manibus Ægyptiorum, et educam de terra illa in terram bonam, et spatiosam, in terram quæ fluit lacte et melle, ad loca Chanaanai, et Hethai, et Amorrhæi, et Pherezæi, et Hevæi, et Jebusæi. 9. Clamor ergo filiorum Israel venit ad me: vidique afflictionem eorum, quæ ab Ægyptiis opprimuntur. 10. Sed veni, et mittam te ad Pharaonem, ut educas populum meum, filios Israel, de Ægypto. 11. Dixitque Moyses ad Deum: Quis sum ego ut vadam ad Pharaonem, et educam filios Israel de Ægypto? 12. Quis dixit ei: Ego ero tecum, et hoc habebis signum, quod miserim te: Cum eduxeris populum meum de Ægypto, immolabis Deo super montem istum. 13. Ait Moyses ad Deum: Ecce ego vadam ad filios Israel, et dicam eis: Deus patrum vestrorum misit me ad vos. Si dixerint mihi: Quod est nomen ejus? quid dicam eis? 14. Dixit Deus ad Moysen: Ego sum qui sum. Ait: Scilicet dicis filiis Israel: Qui est, misit me ad vos. 15. Dixitque iterum Deus ad Moysen: Hæc dices filiis Israel: Dominus Deus patrum vestrorum, Deus Abraham, Deus Isaac, et Deus Jacob, misit me ad vos; hoc nomen mihi est in æternum, et hoc memoriale meum in generationem et generationem. 16. Vade, et congrega seniores Israel, et dices ad eos: Dominus Deus patrum vestrorum apparuit mihi, Deus Abraham, Deus Isaac, et Deus Jacob, dicens: Visitans visitavi vos, et vidi omnia quæ acciderunt vobis in Ægypto: 17. et dixi ut educam vos de afflictione Ægypti, in terram Chanaanai, et Hethæi, et Amorrhæi, et Pherezæi, et Hevæi, et Jebusæi, ad terram fluentem lacte et melle. 18. Et audient vocem tuam; ingredierisque tu, et seniores Israel, ad regem Ægypti, et dices ad eum: Dominus Deus Hebræorum vocavit nos; ibimus viam trium dierum in solitudinem, ut immolemus Domino Deo nostro. 19. Sed ego scio quod non dimittet vos rex Ægypti ut eatis, nisi per manum validam. 20. Extendam enim manum meam, et percutiam Ægyptum in cunctis mirabilibus meis, quæ facturum sum in medio eorum; post hæc dimittet vos. 21. Daboque gratiam populo huic coram Ægyptiis; et cum egrediemini, non exhibitis vacui: 22. sed postulabit mulier a vicina sua, et ab hospita sua, vasa argentea et aurea, ac vestes; ponetisque eas super filios et filias vestras, et spoliabitis Ægyptum.

Vers. 1. MOYSES AUTEM PASCEBAT OVES JETHRO. — Per 40 annos quibus in Madian vixit, Moses fuit pastor ovium; totidem deinde annis fuit pastor et dux populi. « Est enim pastoralis ars (ait Philo) præludium ad regnum, hoc est ad regimen hominum, gregis mansuetissimi. Solus potest esse rex usquequaque perfectus, qui bene calleat artem pastoriam, et curando minora animalia, didicit quomodo præesse debeat præstantioribus. » Sic Saul pascebat asinas, a Samuele unctus est in regem; sic et David ab ovibus ad regnum est vocatus: hinc et Homerus Agamemnonem vocat ποιμήνα λαῶν, pastorem populorum.

Triplici hoc quadragenario quasi consecrata est vita Mosis: vixit enim in aula Pharaonis 40 annis; inde fuga elapsus, pavit oves Jethro in

Madian 40 rursus annis, ut patet Actor. VII, 30. Tertio ex Madian rediens in Ægyptum, dux fuit populi in deserto per 40 ultimos vite sue annos: ita Eusebius. Mortuus est enim Moses anno ætatis 120, Deut. cap. ult.

Quæres, quid his 40 annis egerit Moses? Respondet Philo, primo, eum pascendo oves didicisse pascere et regere populum; secundo, eum se exercuisse in philosophia et sapientia; tertio, studuisse virtutibus, et edomandis animi affectibus. « Vana est enim philosophia, nisi in actionem emanet, uti vana est medicina, nisi morbos curet: ita et Philosophia, nisi vitia animæ, » ait Plutarchus. Quarto, Moses hisce annis vacavit orationi et contemplationi, qua preparabatur a Deo ad tanti populi regimen, uti mox patebit.

CAPUT TERTIUM.

SYNOPSIS CAPITIS.

Moses pascebat oves Jethro, vocatur a Domino in rubo ardente et incubusto; ab eoque mittitur ad Pharaonem, ut liberet Hebræos. Secundo, vers. 13, rogat nomen Dei, qui ait: Ego sum qui sum

1. Moyses autem pascebat oves Jethro soceri sui, sacerdotis Madian: cumque immasset gregem ad interiora deserti, venit ad montem Dei Horeb. 2. Apparuitque ei Dominus in flamma ignis de medio rubi, et videbat quod rubus arderet, et non combureretur. 3. Dixit

Artes pastoriam est præludium regni.

In Madian 40 annis quid egerit Moses?